

地 728
13
10/10



東莞縣志

大清光緒丙午敬刊

棗強古漳官隄志

板存縣署

棗強古漳官隄志敘

棗強爲古索盧其東南有涸河一道曰清洋江界連山東之武城及故城南宮延長百餘里地多不毛遇水澇則漂沒民居爲數縣害以其爲黃流所必經也故亦曰黃路河俗又以黃瀘名沿索盧之誤也宋時

河決商胡北滙漳衛以達於海是乃黃水入海之路瀘路諧音其以黃路爲黃瀘大率本此漳水入境流分爲二一由縣屬之顧張營頭一由故城之潘家道溝兩流合斯民罹其災自前明迄

國初河上之堰屢修屢圯西築東掘訟鬭

時聞壬辰水大至 姚君錫九方攝縣篆
親歷河干函約鄰封稟同履勘議由潘家
道溝至顧張營頭請發帑金築長隄以殺
水勢未訖事而去 凌君秋生繼之癸巳
告成復毀於水至乙未而隄始合堰東凡
若干里堰西凡若干里事之始始於 兩君

襄事而艱苦不辭者則邑紳扈君喆士也
喆士念隄工之鉅民力之艱 兩明府創
修之不易旣歲事而筆之書乃建議稽冊
糧清地畝析沿河故屬之地購入於棗其
淤塞而不可種者請剔其糧會稟除之故
棗兩縣侯一一皆允其議遂徧考河隄劃

分地段繪圖而并附以說其說主黃路爲
古漳故道關縣志諸說之非閱十寒暑而
書成命之曰古漳官隄志凡兩堰防險歲
修之規則與夫請委派畝之章程大吏之
批牘兩縣往來之公文皆於是具是以書
成而東西兩堰平民無纖芥之爭者詰士

力也予權斯篆匝歲有餘邑中之事資詰
士者尤多新政甫興而代者將至予三復
其書而不忍遽言別也爰舉黃索二流形
勢所關與夫修堰之原委而因以爲序
賜進士出身
誥授奉政大夫

欽加同知銜前署吳橋縣知縣定州知州
權知冀州棗強縣事上饒鄭崧生謹撰
光緒乙巳重陽
穀旦

東強縣古漳河官隄志序

天地有美利久或有人出而破壞之非心之忍行其殘亦時勢所迫然也然事無終窮更必有人焉起而捍禦其蓄排解其紛救平其患實由不忍人之誠心所積而發非苟焉所可倖成者也吾烏乎知之於古

漳河官隄志知之夫官者所以爲民若祇爲一邑之民而不顧鄰邑之蓄害險危且將激而尋仇亦安有所爲捍禦救平哉是隄也官主之眾紳輔之凡被蓄之數十百村黔首出資出力霑體塗足始得相與其享其成此昭昭在人耳目無俟殫述惟於

未事之先憫天蓄察水性軌河道度地勢
揆人情審幾待時累月累年而始得與
賢邑侯協力同心卒成其志則邑人扈君
喆士規畫區處實由不忍人之誠心所積
而發而非得兩賢侯之可與有爲亦淹
沒而終無濟耳歲癸巳余在復州學署耳

其事丙申假歸略悉巔末庚子亂後勦辦
撫恤與喆士昕夕處始稔其詳繼出其編
輯圖說文籍並善後規則彌歎爲蓄民謀
之遠且周也夫痛定思痛者前覆可鑒弗
畏入畏者後悔奚追古之人修隄防弭蓄
浸不知幾經籌畫幾遭困難幾費勤勞謂

可永無水患矣不旋踵而前功盡隳不可
救藥者指不勝屈神禹八年殷商五遷豈
謂一勞永逸遂可晏然無事以坐享成功
哉喆士念之矣不得已而繪之圖爲之說
繕其規則存其冊籍總名之曰志非爲志
功蓋深知拮据於前之匪易彌恐保守於

後之難久也故爲是諄諄喆士非菑區人
也而惓惓於桑梓如是况身受其殃者幸
巨浸之得免撫成規之可循當益覺是編
之用意也切而菑區之受惠也深矣厘民
瘼者庶幾有感於斯言

欽加國子監學正銜奉天復州學正兼理

新民廳教諭 國史館謄錄同治丁卯
科舉人邑人步其端浦男氏薰沐撰書
光緒三十一年歲次乙巳嘉平上澣

棗強縣古漳河官隄序

僕年二十有七同治中葉庚午之秋七月
既望越四日未初在家訓蒙突聞鎗聲連
環不斷甚駭異以爲髮捻盡平近省肅清
斯聲也胡爲乎來哉出而視之則相安如
堵詢之眾人莫知所以相率悶悶未幾則
見有三五結夥數十成羣由東南奔而西

棗強古漳河官隄志

卷一序

北者丟衣拋鞋棄筐拽鋤援而止問其故
則倉遑莫對使息定始曰吾均擋堰人也
被扒堰故人赶歐如斯聽畢憫其狀思排
解之速到隄上已無人跡惟見棚帳滿地
扯碎不堪器具鍋勺半落水中半被砸毀
堰開數道水向北注溜急浪猛已莫能遏
越一二日隄北村落盡成澤國此同治九

年七月十九潘家道溝初次扒堰之實在情形也延至光緒庚寅二十年間水患頻仍棗人每逢河漲赴堰防守故人卽思毀扒大率類是僕也家居高阜本無水患惟距隄甚邇原委尙悉每念被水之區盡係桑梓而扒堰各村多屬戚友倘日久仇積釀成巨案豈能袖手旁觀冀弭其禍爰於同治十年水消之後卽邀二三知己沿河查看挨次酌度使於原處擋禦恐白佛寺堰南之地悉落水中彼必不願卽馬田村莊界兩隄南面皆水一村孤立危險難保亦其不甘莫若堰移南向築長隄一道西起潘家道溝河西坎東接顧張營頭李家堰順河挑修使水歸正流夫如是則白佛

寺河北之地可以免受淹沒馬田村退處
堰北亦得永慶安瀾扒隄之禍從此可免
吾邑受水各莊有不變爲樂郊乎此利人
正所以利己事烏容已而其移之之權則
操之在官非民力所克自理故每逢邑侯
履任僕必面稟隄堰情形併陳災害奈多
未留意迨光緒壬辰桐城 姚侯來署邑

篆告以堰狀已怵怵矣是年六月河值漲
發 侯親臨之召僕到隄駐工數日揆厥

河形詳審地勢喟然曰斯隄也吾悉之矣
非如君所擬堰向南移不足以弭吾邑之
患也爰詳請

道藩州

各憲臺蒙發委馮刺史

會同 州憲梁太尊查劃界址與棗故兩
明府妥議水道遂面定修築長隄由潘家

道溝河西崖起東北至顧張營頭接李家
堰止順河挑修使水歸正流庶棗地亦保
故民無傷兩有裨益會稟後復蒙發委唐
司馬勘丈估計估竣會詳卽價買故城屬
民糧地畝三頃餘以備築隄取土之用嗣
蒙 督憲允准給款興修適 姚侯卸署
任定遠 凌侯接授篆首營斯隄更兼有

恒癸巳新正更蒙札委姚前侯領款來棗
會同事棗故兩縣一律興修斯春告成咸謂
水患自此可永除矣詎甲午秋月河復狂
發水勢之大爲從來所未有新築長隄決
漫數處我 凌侯籌思再四隄工緊要不
容緩圖又非加高培寬不足禦此巨浸惟
修堰愈寬佔地愈廣用費愈多欲派民間

補葺則田廬漂沒甚苦欲再請款重修又適韓東用兵乃詳請獎劄功牌就地勸捐以助要需乙未春季添買地畝五頃零堵合正口徧加高厚始克抵用丙申之年修齊汎所概加後歲歲在丁酉繪具河隄地段各圖併設立請委防汎守險歲修覓夫看隄各章程以藏其事吁是役也自壬辰

至丁酉僕隨兩侯始終其事箇中情由熟悉無遺如姚侯之勇爲致果凌侯之

堅忍耐勞均屬難遇今兩遇之斯隄以成洵我棗民之福星也亦何幸歟迄今姚侯旣沒凌侯又逝不有記述恐居安易以忘危是將兩侯之稟請會詳各文件估工作工置地修房各冊籍在在臚列編輯

成帙以垂久遠庶幾兩堰災區覽斯編者
體我兩賢侯創隄苦衷守而勿失有厚
望焉

邑人扈維藩謹序

光緒乙巳冬月上澣

穀旦

棗強縣古漳河官隄志卷之一

賜進士出身署理棗強縣知縣上饒鄭崧生紹甫

花翎候補府調補棗強縣知縣錢塘張石師黃鑒定

賜進士出身特授棗強縣知縣德化李盛鑾右臣

鴻臚寺序班扈維藩价人手輯

邑人前復州學正步其端浦男校閱

從九品頂戴陶和春動之會纂

目錄

卷一 圖說

漳河全圖說

併附黃瀘索盧攷

棗強古漳官隄志

卷一 目錄

漳河全圖

漳河兩支流棗強受水村莊說

漳河兩支流棗強受水村莊圖

棗強古漳官隄置買地段說

棗強古漳官隄置買地段總圖

置買看堰地清冊圖誌

換樂見龍地段並東汎宅圖附

卷二 卷宗摘要

後十七戶地方李端正懇乞照舊修築稟

又 懇乞派差彈壓稟

堰工首事王崧景等公懇關傳扒堰稟